

中國邊疆史志集成

西藏史志

第一部

3

全國圖書館文獻
縮微復制中心

西藏奏疏

附西藏碑文
張西航題



四川總督大學士覺羅寶興 片

奏再 臣 接准部咨欽奉

上諭孟保等奏擬在前後藏等處添設抬礮二十二位
著寶興飭營如數製造派員護解到藏所需工價作
正開銷等因欽此當經飭據中軍將抬礮二十二位
如數鑄齊報驗 臣 於較閱省標秋操官兵時逐
一驗視俱極堅固結實卽在較場督同承辦將
備加足藥力一一演放礮身均各安穩聲音沉
亮可資邊防利用茲據中軍等詳請委員護解
前來查有雜州右營守備蘇正朝堪以派委除

檄飭選帶兵丁解送赴藏並飭經過沿途文武
台站弁兵一體照料所有工料銀兩由司造冊
報銷外理合附片奏

聞伏祈

聖鑒謹

奏

再片

奏爲請緩查閱後藏三汛營伍恭摺奏

聞仰祈

聖鑒事竊查後藏江孜定日三汛營伍每年秋季例應

駐藏大臣前往查閱一次本年輪應

臣

海樸前

往查閱現因拉達克夷人勾結森巴生番侵佔

唐古特地方所有派往查辦之番官等時有稟

請事件若

臣

孟保等往返札商恐致遲誤似應

臣等在藏會同籌辦以期周妥所有本年查邊

閱伍應請緩至來年秋季再行前往至本年應

閱後藏三汛營伍援照道光十七年查辦博窩
夷務請緩巡閱成案飭委該管各汛將備就近
查閱於_臣等巡邊例領脚價盤費銀二千六百
五十兩內酌撥銀三百兩作為該將備往返脚
價盤費並將例賞茶葉緞疋一併發交三汛俟
秋操時分賞漢番官兵以示鼓勵其節省銀二
千三百五十兩仍存糧庫以歸支放兵餉如此
辦理既不致有曠操防_臣等亦可隨時籌辦夷
務所有請緩查閱營伍緣由謹恭摺具

奏
奉

旨見森巴卷內

道光二十一年九月初六日奏爲矛手番兵改挑槍手以期兵歸實用恭摺奏

聞仰祈

聖鑒事竊查前後藏各汛共設番兵三千名內烏槍番兵一千八百五十四名弓箭番兵六百七十八名矛手番兵四百六十八名臣等每遇操演隨時留心體察其番兵弓箭技藝尙屬可觀至烏槍準頭並不在漢兵以下惟矛手番兵一項不過陳迹相沿空托架式技藝毫無可恃兼之唐古特人多畏蕙遇敵多有退縮迥非內地矛手

兵丁可以勇敢向前者可比卽如此次剿辦拉達克夷務所有派去之兵多係弓箭鳥槍番兵其鳥槍兵技尤爲可靠至於矛手番兵臣等雖知其向無長技因兵限於額不能酌添派往臣等詳加商酌所有矛手番兵旣不能睹面對敵與其徒佔兵額莫若改挑鳥槍施放尙堪致遠似爲得力擬請嗣後前後藏矛手番兵四百六十八名內遇有缺出均改以槍手挑補每番兵一千名酌定弓箭兵三百名鳥槍兵七百名以爲定額如此稍爲變通於兵額庶不致虛設

而兵技亦可期得力惟設立矛手番兵係屬舊章臣等未敢擅自更易是否有當伏乞

皇上聖鑒

訓示遵行謹

奏道光二十一年十月十二日內閣奉

上諭孟保等奏請將矛手番兵改挑槍手一招前後藏各汛所設番兵向來分習鳥槍弓箭矛手技藝茲據該大臣等查明矛手番兵不能得力若改挑鳥槍尙可有裨實用著照所請嗣後前後藏矛手番兵四百六十八名內遇有缺出均著改以槍手挑補每番兵

一千名酌定弓箭手三百名鳥槍兵七百名以爲定額該大臣等仍當認真訓練務令技藝嫻熟一兵有一兵之用毋致日久懈生有名無實欽此

道光二十二年四月初三日片奏再_臣等上年奏請在前後藏等處添設抬礮二十二位以資守禦一摺欽奉

諭旨著寶興飭營如數製造派員護解到藏所需工價作正開銷等因欽此欽遵茲於本年三月十二日准四川督臣寶興派員將所製抬礮二十二位如數解運到藏_臣等親赴教場逐一驗看礮位俱極堅固製造火門藥堂子口等項亦甚得法_臣等率同將備督飭藏營兵丁演放每礮一位食藥三兩鉛子三兩打放二百四十步以外中靶

亦皆有準不但平地演放極為輕便復飭兵丁
登山施放亦俱趨捷實爲軍中利器於邊防武
備甚有裨益至演習抬礮進退步法經駐藏遊
擊應國銳指示兵丁均屬得法臣等仍不時督
飭勤加操練務使精熟至後藏江孜定日三汛
抬礮十四位臣等揀派營弁解往分交各汛弁
嚴飭該管將備隨時操演總令一律嫻熟並將
各汛抬礮歸入槍隊於春秋操時一併演放俾
得有準有用以收實效其每年所需火藥鉛彈
卽於藏營備貯項下畧爲節省足敷演放之用

亦毋庸另議增添所有抬礮已解到藏臣等督飭演放得力緣由謹附片奏

聞伏乞

聖鑒謹

奏道光二十二年六月十五日奉到

硃批依議認真訓練欽此

道光二十三年十月初一日奏爲後藏三汛邊界營伍請緩至來年春季再行查閱恭摺具

奏仰祈

聖鑒事竊查後藏江孜定日三汛營伍各處邊界每年秋季例應駐藏大臣輪往巡查一次本年輪應

臣鍾方前往查閱惟查廓爾喀國內現有不靖

臣等前經奏明遵

旨派人前往密爲偵探該國是否安靜情形尙未查明稟報一經報到卽應

臣

等在藏會同籌辦免致

彼此札商往返稽延

臣

等公同商酌所有本年

巡邊閱伍之處請援照成案緩至來年春季

臣

鍾方再行前往查閱如此暫緩時日既有裨於
公務又不致久曠巡查今將暫緩巡閱緣由理
合恭摺具

奏伏乞

皇上聖鑒

訓示遵行謹

奏是年十二月十八日奉到

硃批依議欽此